


دیوان حضرت هدای عزیز محمود افندی قدس سره

فهرست کلیات دیوان حضرت هدای عزیز محمود افندی قدس سره

صحیفه	صحیفه
۲۷ وصیة العلماء	۳ مقدمة طریقت نامه
۲۷ وصیة المریدون	۳ طالب حقه مر شد کامل لازم
۲۸ بیان شر الناس	اولدیغنی بیان
۲۹ کلمات امام علی رضی الله عنه	۳ بیان آداب صحبت و رعایت خدمت
۳۰ مناجات و خاتمه	شیخ
۳۳ ابتداء الهیات	۵ بیان حال مرید صادق و حکایة
۱۱۵ تخمیس غزل حضرت پیر قدس سره	مرید کاذب
۱۱۸ قطعات و رباعیات	۶ حکایة شیخ سعید قدس سره
۱۲۱ آیات مفردات	۷ فصل فی آداب اهل الطریقه
۱۲۳ مکتوب جناب پیر	واوصافهم
۱۲۴ ترجمه حال جناب پیر	۸ حکایة شیخ شبلی قدس سره
۱۲۵ سلسله نامه شریف حضرت پیر	۹ پند و نصیحت و خاتمه رساله
قدس سره العالی	۱۳ رساله فی الجمع والتفریق
	۱۴ تفسیر حدیث من عرف نفسه
	فقد عرف ربه
	۱۵ بیان مراتب التوحید
	۱۷ قصه بایزید قدس سره
	۱۸ بیان رفع الحجاب و تعلیم الادب
	۱۹ حکایة شیخ سعید و بایزید قدس سره
	سرهم
	۲۰ فی تحقیق الحق و رعایت الادب
	۲۱ کلمات حسن البصری قدس سره
	۲۲ فصل فی الحشر و الشر
	۲۳ فصل فی تفصیل الاعمال
	۲۴ بیان خیر الازکار
	۲۵ وصیة السلاطین و الملوك



طریقت نامه

✽ کلیات دیوان حضرت هدایی عزیز محمود افندی قدس سره ✽

✽ بسم الله الرحمن الرحيم ✽

الحمد لله الذي تجلي بذاته لذاته فآظهر ما اظهر والصلوة والسلام على من بلغ الرسالة
وانذر عشيرته الاقربين وبشر من بشر وعلى آله واصحابه واحبا به المتأدين باداب
من تأدب بجازع البصر (بعد) ذلك طريق حقه سالك اولمق استينله معلوم اوله كه
اشبو طريق اشرف طرق واعز سبل اولمغين عقل قاصر كفايت اتميوب طالبلری
مطلوبه ايصال ايدر بر مر شد كامل ومؤدب حانق لازم اولمشدز حتى رسول الله
صلى الله عليه وسلم (ان الله ادبني فاحسن تأديبي) بيوز مشلر اوليله اولسه مر بده مستر شده
لازمدر اولامشا بخدن بر قلبي قرار ايدوب كوكلی دولنديغی شېخه بيعت ايدو عهدنی
بروجهله محكم طوته كه سراده وضراده شدتده ورتخاده اول عهدی نقض اتميوب
بيعتده ثابت قدم اوله (من ثبت نبت) بيورلمشدر اصحاب كز يندن رضوان الله تعالى
عليهم اجعين عوف بن مالك رضی الله عنه ايدر بر قاج كشي بيغبر صلى الله عليه وسلم
فانته ايدك الله ورسولته بيعت اتمز مسز ددی بزايتدك يار رسول الله بزسكا بيعت اتمدكي
بنه كلام شر بفلرینی اعاده بيورديلر بز دخی اليز اوزادوب تنك اوزينه بيعت ايدلم
يار رسول الله ددك بيوزديلر كه الله عبادت ايدو مسز شر كدن حذر ايدو مسز بش وقت
نمازی قله مسز حق سوزی دكليه مسز اطاعت ايدو مسز وگسه دن نسته استيه مسز راوی
ايدر اول جماعت عقد بيعتی شو بله صافنديلر كه حتى بعضنك التدن عصاسی دوشد كده

کسه دن الیو یرمک استمدیلر ودخی مرید شیخدن سرنی کتم ایشوب شیخی بیوردینی
 امردن غیری وآنک تلقین ایلدی ذ کردن غیره مشغول اولیه ودخی سالک اولدینی
 طریق خیر طریق اعتقاد ایدوب آدابنی رعایتده اهتمام اوزده اوله ودخی آچلفه
 واونخوسزلفه وسکونه وخلقدن عزلته مداومت ایده جنید بغدادی قدس سزه
 صحت انقطاع و سلوکدن فایده تحصیلنه سکز شرط بیورمشلر اول دوام وضو
 ایکنجی دوام خلوت اوچنجی دوام صوم دردنجی دوام سکوت بشنجی دوام ذکر
 النجی دوام نفی خواطر **ک**رک خیر **ک**رک شریدنجی اعتقاد **پ**اک وکمال تسلیم الیه
 قلبنی شیخه ربط اتمک بروجهله **ک**ه عالم طلو مشایخ اولسه بوفقیه فیض انجق
 بوشیخدن اولور غیریدن اولماز دیه زیرا مادامکه مریدک فلبنده شیخدن غیره چکنجه
 اوله باطنی حضرت واحديه به اجلز مشایخ قدس اسرارهم بوشرطک رعایتنده
 مبالغه اتمشلر حتی شیخ نجم الدین کبری ایدر آینه اشلیک الات واسباب حاضر ومهیا
 اولسه اما استاد اولسه اول آینه وجود بولماز کذلک شرایط سبعة جنیدیه دخی
 بولسه اما شیخه ربط قلب بولنسه مریدک قلبی مرآت صفا بولماز سکزنجی شرط
 اللهه وشیخه اعتراضی ترک ایدوب قبض و بسطی خالقدن یلوب تسلیم کوسرتمکدر
 والله سبحانه وتعالی تک (عسی ان تکرهوا شیئا و هو خیر لکم) بیوردینی ملاحظه ایدوب
 مولی قولنه ارحم حالته اعلمدر خیر بونده در اوله دیمکدر ودخی مرید خلوت و انقطاع
 وقتنده کسبه فاپو اچقندن وصحبت و زیارتدن احتراز ایده که حضرت پیغمبر علیه
 الصلوة والسلام ابتدا حالرنده حقله انس ایچون خلقدن انقطاع ایدوب غار خراده
 تنها اولور ایتمش ودخی ظاهرا و باطنا طهارته مداومت اوزده اوله خصوصاً که شیخ
 محضرنده ابدست سزا اولیه شیخ اکبر کندی پیری شیخ ابو مدیندن قدس سرهما حکایت
 ایدر بیورمشلر که ابتدا حالده شیخه وارمزدم الا ظاهر می **پ**اک ایدوب قلبی دخی کندو
 بلد کرمدن تطهیر ایدردم اگر قبول ایدر سه سعادتیه اگر قبول اهرسه کند و شتامته
 حل ایدردم ودخی شیخه وارد قدده ادب بویه بیورلمش که دزن او پوب اوتوره اما شیخ
 توجهده ایکن سویلیوب انجتمیه اندن صکره حالی عرض ایدوب زنهار کوردوکی
 واقعه دن نسته کتم ایشوب زیاده دخی سویلیوب امانتی صاحبنه ایصال ایده اگر
 تعبیر ایدر سه اصغالیده اگر اهرسه تعبیر ایتکه ابرام ائمه زیرا کاه اولور که مصلحت انده
 اولور ودخی شیخ حضورنده قفتاننک یکن چقاروب اوتورمیه وسویلدوکی کلامی
 دروندن اصغالیدوب غیزه التفات ائمه و اطرافنه باقیمه و کیدر اولد قدده ینه دزن او پوب
 کیده و برایکی آدم یرفن جن کمنیجه فوری ارقه سن دوئیمیه ودخی شیخ باق

اوزره ایکن درویش اوتورمیه وکلوب کتدوکی زمانده دخی ایاق اوزرینه قالفه و شیخ سلام ویرد کده ایکی اللرن باغلیوب تووضع ایله سلامن اله درویش کندی سلام ویرد یکی وقت دخی اوله ایده ودخی خلقه ذ کردن غیری برده شیخه ارقه سن دونیمه مکر سفر اوزرینه اوله انده دخی شیخ ییاق اولدیغی تقدیرجه دراما شیخ ییاق اولورسه کیجه اوکیه کیده کوندز اوکیه کتیمه ودخی شیخ ییاق ایکن درویش اطواره بنیمه و نملو اولمقی شیخ محضرنده بنیمه ودخی شیخ ایله برابر یورومیه مکر اشارت ایده و نمازده دخی برابر طورمیه مکر ترتیب صف ایچون شیخ اشارت ایده تمام اولدقدنصرکه ینه یرینه واره ودخی شیخک سجاده سن ایقلیه ویرینه اوتورمیه وار یقندن ابدست الوب استعمال اتمیه وعصا سن کوترن درویش الدخی و یرد یکی وقت الن اوپوب وقودغی وقت پاک یره قویه ودخی شیخ درویش برنسنه جک احسان اتسه تعظیم ایدوب آتی ایقلیه مکر سجاده یا آتیق قابی اوله ودخی بر مجاسده برنسنه جک صونسه درویش اراق اولوب الی ایرمه باری اوتوردغی یردن ایاق اوزرینه قالفوب تعظیم ایده ودخی اراق اگر یاقن درویش بریره کتملو اولسه شیخ دن اذن سز کتیمه اگر شیخی مکاننده بولیوب تأخیره دخی قابل اولیوب مصلحت اولسه باری قبوسنه کلوب حالنی دروندن عرض ایده اگر درویش بیانده بولتوب برمشکلی اولسه شیخ جاننه توجه ایلیوب روحا نیتندن استمداد ایده اگر ربط قلبده اعوجاجی یوق ایسه اول مشکل حل اولتوب انشراح صدر حاصل اولور حاصل کلام هر حالده ادبه رعایت ایدوب شیخ دن اذن سز برایش اتمکدن یا خود اجازت سز بریره کتمکدن حذر ایده ودخی درویش مجاهده و عزیمت جانین قویوب مساعده و رخصت سمتمن طومیمه که ترقدن قالور ودخی شیخ بر خدمت تکلیف اتسه تأخیر اتمیه و اکابر مصلحت دخی قائمیه و سببنی و وجهنی استفسار ایتوب اول خدمتی ادایه قصد ایده روایت اولنور که مشایخدن بری بیض مریده سؤال ایدوب اگر شیخک سنی بر خدمته کوندرسه یولده بر مسجدده اوغراسنک که انده نمازده اولسه ل نیلر دک ددی مرید جواب و یروب اول خدمتی ادا ایدوب اندنصرکه نمازی قیلردم دید کده استحسان ایلدی بوندن مقصود خدمته اهتمامدر یوقسه حاشا که امر صلوتدن تهاون دکلدنر زرا شریعت شریفه اساس کلدنر و اعز خیر سبلدر ودخی درویش بحسب الظاهر حق کتدو جانبنده اولق اکلر سده شیخک سوزنی رد اتمیه که مریدک شیخه اعتراضی یوانه مانع نامدر بلکه اهل طریقت فائنده حرامدر زرا یونلر فائنده مرید اولدر که کندی ارادتی افتنا اتمش اوله اگر کند وار ادبی اولورسه اول اهل نفس و مرید اهل هوادر یوقسه اهل حق و مرید زاه خداد کلدنر حاصل کلام درویش شیخه سوء

ظن اتمکدن حذر ایدوب بلکه طریق حقه عارف و عباد اللهه ناصح اعتقاد ایده
 واکلدیغی بری انکار اتمه روایت اولنور که بردرویش شیخنی بر معصیتده کوردی
 بنه منکر اولیوب وضعنی تغییر و خدمتده تقصیر اتمدی شیخ آنک صد فنی کورب
 وجهندن سؤال ایلدی درویش جواب و یروب یا شیخ فقیر سزنی معصوم اولق
 اعتقادی ایله خدمتکزه شروع اتمدم بلکه طریق حقه عارف و کیفیت سلوکه
 واقف اولق اوزره اعتقاد اتمدم که مطایم اولدر یوقسه معصیت ایدوب اتمدیگنر بنه
 کندوکره راجع ربکز ایله کندوکره بیننده بر امر درددی شیخ آئی اشید بیجک
 اکا خیر دعا ایلدی آرزمانده اول درویش حسن حاله و علوم مقامدیشدی اوله درویش
 لازم اولان هر حالده سوء ظن ایله انکاردن احترازدر اما شیخه دخی لایق بودر که
 شریعت شریفه مخالف منکر اتمدن و مواضع نهمندن (اتقوا مواضع التهم) موجبجه
 حذر ایدوب هم کندوهر اتمدی تکمیل وهم عباد اللهی سوء ظندن تخلیص ایده که
 احکام شریعت شریفه اصل اصول و عندالله و عندالناس سبب قبولدر حتی
 بعض کبار پیور مشرکه احکام شریعت خیانته ایدن اسرار آلهیه به امین اولمز الله
 سبحانه و تعالی خود اسرارین اعطا اتمز الامین اولان قولر نه اعطا ایدر و ابوحنز
 خرسانی قدس سره پیورر که حضرت پیغمبر صلی الله علیه وسلمه اتباعدن
 غیری طریق حقه دلیل یوقدر و امام علی کرم الله وجهه پیورر که (الطریق کلها
 مسدوده علی الخلق الاعلی من اقتنی اثر رسول الله صلی الله علیه وسلم) بعض مشایخدن که
 ظاهر لری مذموم و باطنده محمود بعض نسند روایت اولنور مثلا کأس خری اللرنه
 الوب آغز لرنه وار یجق عسله منقلب اولق کبی کمل اولیا آئی ضعف حال سیدر دیو
 پیور مشرک کاسل اولدر که جمیع مراتبی بر لو رنده رعایت ایده و دخی درویش
 واجبدر که حالی غیره افشادن صاقنوب و شیخک اسرارن حفظ اتمکده غایت
 اهتمام ایده که مخلوق سرنه امین اولمین خالق سرنه امین می اولور حکایت اولنور که
 بر مرید امانت دعواسن ایدوب بعض اسرار آلهیه و بر ملک طلب ایدردی شیخ
 خود حالی باوردی بر کون حالی بلدرمک ایچون بر قیونی بوغز لیوب بر چواله قیوب
 اللرن فانه بلشدردی اول دعوا ایدن مرید کلوب کور بیجک سؤال ایلدی شیخ
 جواب و یروب درویش لرندن بر کسننه ایچون فلانی قتل اتم صاقن بوسری
 کسیه افشاته دیدی اما قتلدن مرادی آنک هوای نفسنه مخالفت ایله نفس اولدرمک
 ایدی که حتی کذب صادر اولیه بعده اول چوالی اول مرید ایله بریره دفن ایلدی
 و اول قتل اتم دیدیکی درویشی کر لیوب باباسی استیوکلده دخی بونده در دیو کوستر

مدی بعد زمان اول امانت دعواسن ایدن مریده طریقت ایله تشدید و توضیق
 ایدیجک تحمل ایتموب اول درویشک بابا سنه واروب اوغلی شیخ قتل اتمشدر
 بن بله دفن اتمد دیدی بو خصوص اول عصرک پادشاهنه عرض اولندقدن پادشاه
 شیخک جلالت قدرن فهم ایدردی توقف ایلیوب هله قاضی وعدول کورسونلر دیدی
 و اول مرید یا نرنجه شیخه سب ایدرک بله کلدی محل قضیه کورسردی آچوب
 کوردلر که بوغازلنش قیوندر و اول کسنه مک اوغلی حیاته در آئی کور یجک اول
 مدعی مرید بحیل اولوب ابتدیکنه نام اولدی ودخی درویشه لازمدر که شیخک
 اتدیکی شرطی کوچ اگر قولای قبول ایده که طریق حق طریق مجاهده و مضایقه
 در یوقسه طریق مساعدن و راحت دکلدر زیر اسفرد سفر خود قطعه عذاب نارسفردر
 مسافر یولده حضوره طمع ایدجک منز لدن قالور ودخی درویش خلقک بو که
 صلاح ایله نظر نه و بوندن دعا استمداد اتمک لرنه مغرور اولیه اولور سه فلاح بولوق کوچ
 اولور زیر انفسک جمله حظو ظندن بریدر بو طریقده برکسنه به بد دعا اتسلاز انا فک الله
 طعم نفسک درلر اولیه اندن احتراز لازمدر ودخی درویش لباس جنسندن برنسنه
 کید کده و مسجدن یا خود اوه کید کده صاع جانی ایله ابتدا ایده و چقاروب یا چقدیغی
 وقت صول جانی ایله ابتدا ایده اما خلاده بونک عکسیدر شیخ ابوسعید قدس سره
 برکسنه مسجدن زیارتن کلوب صول ایاغنی مسجدن اول ادخال اتمکده شیخ عتاب
 ایدوب ربکم پشندن ادب رعایت اتمینک بزمه صحبتی یوق دیویور مشلر ودخی
 درویش قبله دن جائنه تو کور میه یا شیخ محضرنده تو کور میه و اگر بلغم کلور سه
 رفقه دستماله آله اما بو طلمه سنی اولی بیور مشلر ودخی قبله یه قرشوا یا خود آیه کونشه قرشو
 تبول ائمه و اید سنی قبله یه قرشواله بعده شکر وضوء دیوایی رکعت نماز قبله
 ودخی شیخ حاضر اولدیغی یرده جمعیت ایله ذکر ائمه ودخی خلقه ذکرده وغیری
 یرده اختیاری ایله باشن آچیبو دائم ادب رعایت ایده و غلبه حال ایله اختیاری مسلوب
 اولنجه نعره اور میه اگر شیخی ایله بر مجلس ذکرده اولوب بعض واردات عارض اولسه
 ادب بودر که حرکت ائمه مکر کندودن کجه انک علامتی بودر که نه نفسنی بیله نه مجلسی بیله نه
 چاغریلن سوزی اشیده اما کندودن کچیک حکم وارد کدر حرکت و اوضاع کندودن
 اولماز اول وقتنه ایدر سه عجب دکل فغان کندویه کلسه ینه ادب رعایت ایده ائمه نه
 منافق دملر اگر وجد حالده درویشدن برنسنه ساقط اولسه شیخی آلوب قواله و یره
 یوقسه علی وجه التبرک تقسیم ائمه لرا کردرویشدن اولوب شیخدن ساقط اولسه
 اهل مجلس علی وجه التبرک تقسیم ایده لردخی درویش لسانی غیبت و نمیده دن

والفاظ قبجه دن بلکه علی الاطلاق فائده سز کلماتن صاقنه تا که مقر ذکر الله اولان ناسزا سوزل ايله ملوث اوليه و فضول کلامه اعتیاد ايله عبادت لسان اولان ذکر الله دن محروم اوليه حضرت پیغمبر پیور مشرکه (طوبی لمن امسک الفضل عن لسانه و انفق الفضل من ماله) امام غزالی ایدر شمعی خلق بو حدیث شریفی قلب ایدوب مال لرینگ ارتوغن صاقلر لسان لرینگ ارتوغن صاقله منزل ابو بکر صدیق رضی الله عنه لسان لرینگ اوزینه برطاش قویوب هذا اوردنن الموارد پیور مشرودخی درویش کندوی برده ایاغی اوزرینه باقوب نظرن حرامه باقق دکل بلکه علی الاطلاق فائده سز مباحه باققدن صفتیق خوشدر حتی باننده اوتورن کسنه دن سؤال اتسلر صفتن بلیه فائده قالدی که شیخک صفتدن خبر و بره حاصل کلام درویش ادب رعایتنده تمام اهمتمام ایتک کر کدر ❖ فصل فی آداب اهل الطریقه و اوصافهم الکریمه ❖ اهل طریقت اولان صادقارک بعض اوصاف کریمه لرینی ذکر ایدلم طریقه سالک اولان درویش لراندن حصه دار اولار ارباب طریقتک اوصاف حمیده لرندندر سوزرنده صدق اوزره اولوب کذبدن توفی ایدلم بلکه هر ایشند کلرن سوزلرلر زیر احدیث شریفه وارد اولشددر (حسب المرء کذباً ان یحدث بکل ماسمع) ودخی ریاضت و تهذیب اخلاق ایدرلر یعنی نفسنی اخلاق زهیمه دن پاک ایدوب اخلاق حسنه ايله تزین ایدرلر ودخی مجاهده ایدرلر یعنی نفسه مقتضاسن و برمیوب آچلقه و صوم سزلقه و چبلاقه و سائر مکاره بدنبه یه سوررلر ودخی نفس لرینگ هر حالده محاسبه سین کوررلر ودخی غیر یلره کندو نفس لرنه صاندقلرن صائرلر ودخی کسه یه سوء ظن ایتمیوب حقارتله نظر ایتمزلر پیور مشرکه برکسنه کندو مرتبه سنی وغیرک مرتبه سنی بلندن کندو بی اندن عالی طوتسه جاهل و مغرور درویش محارمدن و شبه اتندن و نفسک غرض فاسدی اولان لرلر دن حذر ایدرلر ودخی جود و سخا و بذل عطا اوزره اولوب ایکی جهانی قلب لرندن اخراج ایدرلر ودخی بر محتاج انلردن استغراض اینسه آتی بنه الممتی نیتله و برلر الان کسه کتورسه منزل اگر البته درسه آلوب بر فقیره و یروب ایری ملک لر بنه ادخال ایتمزلر ودخی بولده برنسنه دوشر سد ل آتی دونب ارا منزل را کر نقد و اگر اسباب اما رسول الله صلی الله علیه وسلم بر کره برنسنه دوشر و آب آتی طلب ایتد کلرینک وجهی بودر که اول نسنه ام المؤمنین عایشه رضی الله عنها تک ایش بزم سوز بزم کندوتک اولدیغی برده در اگر اول دوشر دکن المادیغی اضاعت مال عد ایتک خاطر هسی غلبه ایدر هسه اول دوشر دیکی یزده طوزب بر محتاج اوغراد قبه اکال دیوامر ایدله کندو ملکنه قائمه مکر اول کسنه بو طلب ایتمدن آلی و بره

اول وقت بخیر در استرسه آلود استرسه بر کسه به ویرورل ودخی اردل بنه باقرل
 اگر لازم کلورسه جله اعضاری ایله دونزل شیخ شبلی به برکسنه اردندن چاغردی
 اکا جواب ویرمیوب بونلر اردنه باقرل و کورودن چاغرنه جواب ویرمزله دیدی
 ودخی فقر و ذلت و مسکنت و خشوع و خضوع و تواضع اوزره اولوب تا که بونلرک ضدی
 اولان اسماء آلهیه ظهور ایدوب روح عبودیتیه واصل اولال ودخی اگر خلقله واکر
 اعضا و جوارح لرنده هر حالده عدالت کوززلر روایت اولنور که حضرت پیغمبر صلی
 الله علیه وسلم دن مبارک ایقلر ینک برنده شرک نعلی منقطع اولیجق اول بر ایقلرندن دخی
 نعلی اخراج بیور مشلرنا که بری زحمتده ویری راحتده اولیه ودخی مبلغ رجاله و مقام اهل
 کاله واصل اولیان اصحاب قلوب وارباب احواله ادب بوامش که مجالس ذکرده
 اهل انکار ایله اوتور میه ودخی انلرک اسباب و متاعتدن نسنه المیه که تغییر حالتیه سبب اولور
 بایزیدا کبر قدس سره وقت حال لرنده کند و ورده وحشت و تغییر مشاهده ایدوب اولد قلمری
 مکانی اراهق امر ایتمشلر بر منکرک نعلی بولنمش ودخی اهل وقتک آدابنددر که اول وقتک
 مقتضاسنی رعایت ایدوب وقت آخر مقتضاسنه خلط ایتمزلر تا که کدر عارض اولیه
 روایت اولنور که اولور دن بری وقت نجریدم مطلقده ایکن کندوده وحشت بولمش
 اولد قلمری بری ارامشلر بر نور به اوزم بولنمش کورد کلرند بزم اویمز خود بقال اوی اولمش
 دیو بیور مشلر و بعضی دخی تدقیق ورع وقتنده ایکن اوکنده یانن چراغدن کدر
 عارض اولوب اصحابنه سؤال ایتمشلر کتورن کسنه جواب ویروب برکسه دن بردفعه
 یاع کتورمک ایچون بر شیشه الدم ایکی دفعه کتوردم دیمش ودخی الله سبحانه و تعالی
 ارزاق عبادیه ضامن اولسی وعدنه اعتماد ایدوب هر حالده توکل و اعتصام ایدرلر خاتم
 اصمه قدس سره فاندن یرسن دیو سؤال اندکارنده (ولله خزائن السموات والارض
 ولكن المنافقین لا یفقھون) دیو بیور مشلر و معروف کورخی قدس سره بر امامه
 اقتدا ایلدی نماز تمام اولدقدن صکره امام سؤال ایدوب فاندن یرسن دیدکده قتلان
 سنک اردکده قانم نمازی اعاده ایدیم زیرا رزقنده شک ایدن خالقنده دخی شک ایدر دیو
 بیور مشلر همان عبده لازم اولان مولایه حسن اطاعت و خدمتده کمال استقامتدر
 یوقسه مؤمنی تدارک افندی اوزر بنه در اعتمادنده صادق اولانی الله سبحانه و تعالی
 هر حالده غیره محتاجدن صاقلیبوب مواضع شدنده مدد ایدوب صحنده و مر ضده
 معین اولور احمد ابن ابی الجواری ایدر محمد بن سماک هر یض اولدی قاروره سن آوب
 بر نصرانی طیبیه التمک استدم بولده کیدر کن بر لباسی پاک کویجک رایجلی کسنه به
 ملاقی اولدم قانده کیدر سن دیو سؤال ایلدی قضیه خبر ویردم اویله اولسه سبحان الله

حَقِّکَ ولی سنه عدوسندن استعانتی ایدرسن الکنده کن یره اوروب ابن سماکه دیکم
 النی اغریان یرینه قوسون دخی (و بالحق انزلناه و بالحق نزل) دیسون دیوب غایب اولدی
 دونوب کلویب ابن سماکه واقع اولانی خبرو یردم اولدخی دیدکی کبی ایلوب فی الحال
 اول مرضدن خلاص اولدی و اول کوردو کک کشی حضرت بی ایدی دیوبوردی
 حاصل کلام جلال حقه ماشقلر و سلو کنده صادقلر انواع مجاهده و ریاضت و آداب
 طریقتی رعایتده تمام دقت ایدوب نیجه حالات سنیه و اذواق و مقامات علیه به
 واصل اولمشلر

❖ بند و نصیحت ❖

لیک کوچلاک حقه ایرنجه ایش
 آرزمانده مراد نه یتورر
 ددرلو درلو هوایه طالمه بکم
 سکا کویمز برید لیل و نههار
 هر زمان فرصت ایشه کرمن اله
 کعبه و صله ایر حضور ایده کور

راه حق غایتیله انجه ایش
 استدو کنه احق قولای کتورر
 نفس بریه سنده قالمه بکم
 بویله قالمز کچر بو کهنه بهار
 نقد عمر عزیز و یرمه یله
 ماسوا بوللرن عبور ایده کور

حالی قواوله کور مقامه قرین
 چون اکا داخل اولن اولور امین


❖ کما قال الله تعالی مقام ابراهیم ومن دخله کان آمناً ❖

آخر انواع ذوقه یتمشلر
 کرچه کم رحمتی حَقِّکَ چوقدر
 حق پیلور حالز نه سویلیسه لم
 فضل حقندن مکرکه ایریشه فر
 ذر خالص ایده چورک مسکی
 قطره یی ایده بحسری پایان
 ذوق و صهبای وحدته ایره سن
 و یرله بر وجود حقانی
 ینه طغری یوله ایدن ارشاد
 ینه جمله حجابی سن رفع ایت

اولور یولده دقت اتمشلر
 بزى کور کم بچو غمز یوقدر
 اوگدق نفسی اه نیلیلم
 حاصلک یوق هدایی ذره قدر
 پاک ایده جمله پاسکی ایسکی
 ذره کی کون کبی ایدوب رخشان
 عالم قرب و صلتیه ایره سن
 اوله انواع لطف ربانی
 ای بزى رایکان ایدوب ایجاد
 کر مکدن موافعی دفع ایت

سکا یارب ینه سن اول قولاوز سنی تا کم سنکله اکیاوز
جمع فرقی اولاکه فرق ایدوز خاتم انبیایولن کوده وز

نیچه اطفک کورلدی ای مولی
ایله دخی زیاده لر اعطا



✽ رساله فی الجمع واتفریق سمیتم با نجاته الغریب ✽

✽ بسم الله الرحمن الرحیم ✽

که اولدر ظاهر و باطنده ظاهر
کوزی اولن دلیل استرمی نوره
نه وار کومز سه آنی چشم خفاس
خلاف اکلا یوب اوله حقندن دور
که اولشدر عوالم جلوه کاهی
بو کوژدن ایچه کور بر ایچم صو
صاقتکم معرفندن اوله سن دور

خلمایه حمد ومنت لهول آخر
ظهوری برده اولشدر ظهوره
کنش ظاهر دکلیدر فرنداش
خدا ظاهر درر مخلوق مستور
عجب صنع و عجب سسر الهی
همان اوث جهالتدن الک یو
بو ظاهر بلدو کوکه اوله مغرور

عقال عقل جزئیدن خلاص اول
افندی باده نوش بزم خاص اول

✽ فی مدح النبی صلی الله علیه وسلم ✽

که اولدر رهنما اولان بو یوله
محمد رهنمای او ایادر
محمد هادی خیر سبلدر
مقام اما. اکا محمود اولیدر

صلاتبه سلام اولسون رسوله
محمد مقتدای انبیادر
محمد سرور جمع زسلدر
قودن کرچه حق خشنود اولیدر

<p>فكان قاب قوسين او ادنى نه وجهه بله آنی مدح ایده انسان انکله بتدی بنیان نبوت</p>	<p>بیورمشدر آنک شاننده مولی شوزاتک که اوله مداحی رحان قدومی عالمینه اولدی رحمت</p>
<p>سلام آئینه اصحابینه هر آن قرین اوله دخی رضوان رحان</p>	
<p>﴿ مطلع الرساله ﴾</p>	
<p>حقیقت کاشتنیک عند لی قدیمی آشیانده بلبل ایکن کیدرسن بر کون اسکی آشیانه لدوا للموت و اینوا للخراب ایچنده عمر آدم آبه بکرز اسریله اقر صویه طیامه حقیقتده ولیکن دار عقبا قو کوردکلری دوش کیددر</p>	<p>کل ای وحدت دیار ینک غریبی ازل باغنده بتمش بر کول ایکن تزل ایلیوب کلدک جهانه یلورسن خوداشدک بو خطابی بو عالم بر خیال خوا به بکرز صقن امدی خیالاته اینمه شهادت ملکیدر ظاهرده دنیا چودنبا اهلی برسرخوش کیددر</p>
<p>سند استر ایسه بو کلامه نظر قلسونلر الناس نیامه</p>	
<p>قال النبي صلى الله عليه وسلم الناس نیام فاذا ماتوا اتبهاوا (واما يوسف عليه السلام فقد بنى الامر على ظاهره وقال يا ابت هذا تأويل رؤياي من قبل قد جعلها ربي حقا</p>	
<p>انکچون حقله تعیراید پدر نیجه حقنی ویرمشدر مقامک اویتماغنی بکم عقباده قلدی حق اکلایی کور اهل دل ایسک هوایی قوس وایی قو هدایی حق اکلح حق بل الله پسدر</p>	<p>چو یوسف ظاهری اوزره کیدددر کوره عرفانی فخر انامک که دنیایی خیال و خواب بلدی اویان غفلتدن امدی عاقل ایسک اولوب اولمزدن اول پیل خدایی سوی حق هو ایله هوسدر</p>
<p>کشی حق بلکه کلدی جهانه یا نبلر اراده درلو بهانه</p>	

قال الله تعالى وما خلقت الجن والانس الا ليعبدون وفسره ابن عباس رضى الله
 عنه بقوله ليعرفون ﴿

مفسر در عبادت معرفتله	بلنزه اشبو جاه منزلتله
كلام ابن عباسه نظر قيل	كوكلدن ريب وشك آتارنى سيل
صافنكم اوله بومعنايه جاحد	كلام كنت كنزا اكه شاهد

﴿ وفي الكلمات القدسية كنت كنزا مخفيا فاحييت ان اعرف فخلقت الخلق ﴿
 لا عرف ونحييت اليهم بانعم حتى عرفوني ﴿

اكر اولد كسه بومعنايه واقف	چالش سعى ايت اوله كور حقه عارف
ندر ديرسك اكر اناك طريقى	ييلور حتى بيلن نفسن حقيقى

﴿ قال صلى الله عليه وسلم من عرف نفسه فقد عرف ربه ﴿

افندى نفسكه آكه اوله كور	مجاهد فى سبيل الله اوله كور
هو ابي نفسنى قمع ايلين ار	جهاد اكبر ايلر اى برادر

ولذلك قال النبي صلى الله عليه وسلم حين رجع عن غزوة رجعنا من الجهاد الاضمرالى
 الجهاد الاكبر يعنى مجاهدة النفس وانما عدت جهادا اكبرا لانها صارت سبياقريا
 لمعرفة الرب التى هى المقصود من الخلق بخلاف الجهاد المعروف

﴿ شوكم ايده هو ابي قمع جرعت ﴿ ﴿ ايدر مولا اكا لايد هدايت ﴿

﴿ قال الله تعالى والذين جاهدوا فينا لنهدينهم سبلنا ﴿

كل امدى مقصده ايله شروعى	بيان ايله اصولى و فروعى
معانى مكتبندن برورق ياز	بكم اطفال ارواحه سبق ياز
سر اغاز ايله عشاقه نوادن	كچه كور بو هو ايله سوادن
صاقن الدن قومه مقراض لايى	كوكلدن كسمكه حب سوايى
طلسم كنز الا لا دراي يار	نتكم خالقسه اكوان و آثار
دوروش توحيدى غيرت ايله	دفينه آچلنجه دقت ايله
اولا كم باشكه دولت قونبىدى	هماي غزت و رفعت قونبىدى
بودر اصل اصول اولديغى توحيد	كه ايدر اغياردن مطلوبى تفريد
سراى سره پس ننى اولدى چاروب	ايرن اثباته تحصيل ايتدى مطلوب

<p>هویتدن دم اوروب حقه ابدی بزم احـ والمز ای حی قیوم دو عالم تحت نسخبرکده در هب بزه لطفکله ایله باذالاکرام فسادن بچوروب ایر کور بقایه خدایا ایلکل فضلکله رحمت شونی کم قابلیه انوار تو حید کبرور جنت ایچنده جنته اول</p>	<p>حیات اقلینک ذوقنی سوردی جناب پاککه هب جمله معلوم دو برمی قهر که هیچ کسه یارب جلالکدن اونه اکرامک انعام یتور جودکله حقانی عطایه بولاوز تا که جنت ایچره جنت طلوع ایله اکا اسرار توحید ایرلدن ایچنده لدته اول</p>
---	---

نه جنت خالقینه واصل اولور
ایرذوقه مرادی حاصل اولور

❖ فی بیان مراتب التوحید ❖

<p>مکرر اوله تا کم طنلو سوزر کو کلر خانه سن تنویر ایله نه در اهل حقیقت سویله ای یار تفاوت اوزره در اصحاب توحید کی واصلدرر توحید ذاته اونه سی صمه مقدر بشردر قولک سرینه ایره نور رحمان ایر شمز اکه بیک عقل آدم قبودر اکه لکن ذکر و طاعات بولندن فتح اولور لابد معما</p>	<p>کل ای خواجه بنه اج تنک سکر کلام کملی تفریر ایله صفال سورمکه ارواح و اسرار مراتب اوزره در ارباب توحید کی افعاله ابرمش کی صفاته بشر حدی افندی بو قدر در مکر کم برق خاطر کبی بر آن ولیکن زائل اولور بینه اولدم اگر چه فضل حقدر اشبو حالات مسمایه وسائل اولدی اسما</p>
--	---

شو کم اسرار ذکره ابرمک استر
بولندن طوتسون آنی ای برادر

❖ ان التوحید مبداء کل ذوق و نعمة كما ان الشرك منشاء کل عذاب و نعمة ❖

<p>صفا و ذوقله برخوش سماع ایت عذابه نتکم شرک اولدی منشاء بری شرک خفیدر بری ظاهر</p>	<p>بو تحقیق برادر استماع ایت جیع ذوقه توحید اولدی مبداء یکی قسم اولدی شرک ای مرد ظاهر</p>
---	---

جلیدن قورتلیدر اهل ایمان
خفیده قالدی اشکال انجق ای جان

الحديث في الصحيحين عن انس ابن مالك رضي الله عنه ما من احد يشهد ان لا اله الا الله وان محمد عبده ورسوله صدقا من قلبه الا حرمه الله على النار وفيه ما عن معاذ بن جبل ان النبي صلى الله عليه وسلم قال له يا معاذ هل تدري ما حق الله على العباد قال قلت الله اعلم ورسوله قال ان يعبدوه ولا يشركوا به شيئا ثم قال اتدري ما حق العباد على الله تعالى اذا فعلوا ذلك قلت الله ورسوله اعلم قال ان لا يعذبهم

که عرفان مجلسندن اوله سن دور
ینه بویه ایکن اولورل معذب
که اول شرک خفیدن اولمش پاک
انکچوندر بکم شرک خفی وار
خدا آئی بحییه می صلا یدی
آنکچون صدق قلبیه بیوردی
خلافن الکفندن می حذر قل
درونک معرفت نور یله طولسون
سیاق نفيه واقع اولسه ای جان
اولنماق کرک هیچ برشی اشراک
بوردن پاک اولن لاید ولیدر
دخی کورمز سؤالی و عذاب
محقق بلکه اول کورمز عذاب
قرینک اوله توحید حقیقی
برایشی زید وعمره قلز اسناد
که التوحید اسقاط الاضافات
اولینور حالی بو میزانه تطبیق
قچن اولماسه کلز اکا انکار
فواتندن تالم کلیندی
نیه واردی عجب بلدکی اچوال
تالم اککه بیلورسه محکدر

حدینک ظاهرینه اوله مغرور
که اهل معصیت دیرر بونی هب
بودروجهی اکر ایلسک ادراک
عصات مؤمنینی یقصدغی نار
اکر شرک خفیدن قور تلیدی
بنی سکا بو معنایی طیوردی
حدیث ثابته دخی نظر قل
بکم بوقاعده معلومک اولسون
عوم ایلر افاده نکره هران
بو معنایی اکر اند کسه ادراک
اکر شرک خفی وکر جلیدر
ولی سینه خدا قلز عذاب
کشی شرکدن ایدیجک اجتابی
قرنداش اکلد کسه بو طریق
بو معنادن اکا کم ایره ارشاد
موحد ایلز پس فیری اثبات
مقلد کر ایده دعوا ی تحقیق
که زید وعمره اسناد اتدی کار
اکر اول ایشی اندن تلیدی
تالم اولدی آنک شرکنه دال
عذابه باعث اولان شرک وشکر

كل امدى زيد وعمره سوكنى قو
بكم آثار شرکدن وارالك يو

﴿ قصه الشيخ ابى يزيد البسطامى ﴾

که یعنی بازيد صاحب اقدام
بود کلو خلوت بيله غزائيله
ارايوب بولدى برحقه لايق
مکرواريسه توحيدم وارانبجق
بوره کومى سوداغرتدى ددوکلک
عجب سن قنده يا قنده توحيد
نته کم شرکدر اصلى هر ضلالک
اريسک ايله ايمدى اجتنابى
کچر بويينه اغلال وسلاسل
اولور جنت قصورنده فرحناک
بريسى مغنوبدر پيرى صوزى
موحدانده بولوز در اولذت
بولور هر نعمتده نيجه لذت
کوکله کلوب عقل ايرمدوکى

روایت اولتور کیم پير بسطام
بود کلو جد وسعی ودقتيله
باقوب هر حائنه اول مردفايق
ددى برحقه لايق ايش بوق الحق
ددیلر بيله مسن سودیدوکلک
بورسمه بولتور مى سنده توحيد
اولور توحيد اصلى هر کمالک
کشینک شرکى دکلودر عذابى
قرینى مشرکک اولور عزازل
قصورى شرکدن شولکم اوله پاک
ایکى قسم اولدى هم جنت قصورى
اولدر مغنوبى جنتده جنت
کور راول جنت ایچنده جنت
قولق اشتیوب کوز کور مدوکى

نلر اعداد ايدر صالح قولنده
نيجه وصف ايلم انى بليسه

کافال اعددت لعبادى الصالحين ما لاعين رأت ولاذن سمعت ولا خطر على قلب بشر

حقیقتده ولیکن صالح اولدر
کچه نفسندن بوله خدایى
باقوب قالمايه افعال وصفاته
سرای و حذته کیرمک درسک
سواپى ترک ایدوب رفع حجباب ایت

صلاحه کچه هر معروف بولدر
که اول ترک ایده جمله ماسواپى
ايرشمش اوله اول توحيد ذاته
بو توحيد اکر ابرمک درسک
دوروش صدقيه دایم قرع باب ایت

کرکدر ترک دنیا ترک عقبا
حجبابک اعظمى وارلقدر اما

﴿ ولذالك قيل وجودك ذنب لايقاس عليه ذنباخر ﴾

﴿ نه وقتنكم اوله اول ذنب زائل ﴾ ﴿ كيدوب حائل اوله دل حقه واصل ﴾

﴿ رفع الحجاب وتعليم الادب ﴾

که کوش جانہ برخوش کوهرم وار
انکله آچلور ابواب حکمت
حجاب اعظمی اوتہ نجرسک
کمالیله مرادک اوله حاصل
سنی برجذبه ایله سندن اله
عبودیتده قاصر اوله زنه سار
صفتن جمعیه فرقی فرق ایده کور

کل ای دولت متاعینه خریدار
نه کوهر بلکه مفتاح سعادت
هدایت ایروب اول بابی اچرسک
اولاسن جمعه وهم فرقه واصل
فچن نور حقیقت لمعه صاله
ربوبیت دماغکده ایده کار
چالش اشبو حجابی خرق ایده کور

حقیقتده درسک قمع بابی

بکم خرق ایله بو محکم حجابی

ذکر القوم ان الفرق ما نسب اليك من الكسب واقامة وضایف العبودية وما يليق
باحوال البشرية والجمع ما سلب عنك بل كان من قبل الحق من ابداء معان وابتداء لطف
واحسان ولا بد للعبد منهما فان من لا تفرقة له لا عبودية له ومن لا جمع له لا معرفة له فقول
العبد اياك نعبدا ثبات التفرقة والعبودية وقوله اياك نستعين طلب الجمع فانظر الى الارشاد
الالهى كيف جمعها في السورة التي جعلها مفتوح كتابه الرفيع والزم قراستها في الصلوة
لكل شريف ووضع ثم اعلم ان مرادنا في هذه الرسالة بالجمع والتفريق عدم احتجاب العبد
بالحق عن الخلق ولا بالخلق عن الحق فيم الفرق الذي قبل الجمع وبعده فلا يحتجب بالوحدة
عن الكثرة ولا بالكثرة عن الوحدة بل يجمع بين المعرفة والعبودية فيحصل له البقاء
بعد الفناء فافهم ذلك تخلص عن المهالك والله الهادي وعليه اعتمادى

شونك كيم فرقى بوقى الحادى چوقدر
بورر فرقى اهلى صحرا رده حيران
برى شهر ادميكه قريه يلز
كه هم در ياي هم صحراى بلدى

شونك كيم جمعى بوقى عرفانى بوقدر
كر رجوع اهلى در يارده غلطان
برى شول تور كه بكره شهره كلز
حقيقتده كمال اهلى اول اولدى

شونك بوور طه دن بولدى خلاصى

بكم شكسز اول اولدى تكرى خاصى